

SEE **Posao od Kuće**

biznet

Zaradi plaću bez odlaska na posao, na internetu kod kuće. Probaj Forex



NOVOSTI ▾

ENERGETIKA ▾

POLJOPRIVREDA ▾

TURIZAM ▾

PREDSTAVLJAMO

YOU ARE AT: Home » Novosti » Poslovanje » Senad Arnautović: Ja nemam oraha u džepu, a ministar Hrenovica iz



| Senad Arnautović: Ja nemam oraha u džepu, a ministar Hrenovica iz osvete uništava Veterinarsku stanicu Sarajevo!

BY ADMIN ON 29.12.2014.

POSLOVANJE

Povodom teksta koji je Agencija *Fena* objavila 17. decembra 2014. o **štrajku radnika Kantonalnog javnog preduzeća "Veterinarska stanica" d.d. Sarajevo** koji su tražili smjenu v.d. direktora Senada Arnautovića te isplatu neplaćenih plata i uplatu doprinosa, stigla je reakcija Arnautovića u kojoj ističe da je doneseno Rješenje Općinskog suda u Sarajevu, a u čijem obrazloženju se, kako se navodi, "vidi da su sve aktivnosti ministra Hrenovice bile protupravne i van njegove nadležnosti, odnosno da se ministar Hrenovica postavio iznad Zakona".

Podsjećamo, Ministarstvo privrede Kantona Sarajevo donijelo je Rješenje o smjeni Arnautovića, međutim, iz preduzeća su naveli da se desilo ono čega su se bojali, a to je da će "Arnautović opstruirati primopredaju dužnosti i nastaviti ometati normalno funkcioniranje preduzeća".

Na funkciju v.d. direktora imenovan je Igor Jerković, ali nije upisan u sudski registar i nema pečat. Predsjednik Štrajkačkog odbora tog preduzeća Dženan Rizvo kazao je tada da se nada da će predmet na sudu ubrzo biti riješen, te da će Jerković moći obnašati funkciju na koju je imenovan. To bi, smatra, "stabiliziralo preduzeće i počeli bi se rješavati problemi".

Arnautović: Skupina radnika koristila ministra i veze da sakrije kriminal!

U nastavku slijedi reakcija Senada Arnautovića koju objavljujemo u cijelosti...

Općinski sud u Sarajevu rješavajući po prijavi i Rješenju ministra Hrenovice o smjeni v.d. direktora Mr.sci.Senada Arnautovića DVM, je donio Rješenje br. 065-0-reg-14-003897, kojim se ODBACUJE prijava predlagatelja. Možete pogledati na (www.veterinarska.ba).

U pomenutom Rješenju dato je jasno obrazloženje iz kojeg se vidi da su sve aktivnosti ministra Hrenovice bile protupravne i van njegove nadležnosti, odnosno da se ministar Hrenovica postavio iznad Zakona. Sve izjave koje je ministar Hrenovica dao putem medija u cilju pravljenja ambijenta za smjenom Uprave KJP „Veterinarska stanica Sarajevo“, ovim su se Rješenjem potvrdile kao čista dezinformacija i dezavuisanje javnosti, a sve u cilju sakrivanja istinitih informacija i zaštite manje kriminalne skupine uposlenika, koja je koristila ministra, te političke i rodbinske veze da sakrije svoj kriminal.

Naime Hrenovica je u više navrata izjavio da laboratorija za kontrolu hrane ne radi, a potom sam sebe negirao iznoseći klevetu da laboratorij radi i da se falsifikuju nalazi. Međutim istina je da laboratorija nikada nije prestala sa radom, čak ni u vrijeme praznika, a inspektori MUP-a KS koji su došli po prijavi o falsifikovanju, su utvrdili da je prijava neutemeljena i da falsifikovanja nalaza nije bilo, niti bilo kakvih drugih kriminalnih radnji, kako je to Hrenovica izjavljivao u medijima.

Ministar Hrenovica je takođe tvrdio da je izbor i rad v.d. direktora i Nadzornog odbora bio nelegalan, te je na taj način pokušao prebaciti ovlaštenja Nadzornog odbora na sebe. Rješenjem suda je potvrđeno da Hrenovica to ne može učiniti i time je zaustavljena njegova samovolja i ometanje rada Uprave Veterinarske stanice Sarajevo.

Ministar Hrenovica svjesno uništava ovo preduzeće, samo iz ličnih razloga, a kao vid revanšizma prema stranci iz koje je izbačen i Damiru Čardžiću. Nažalost saradnike je pronašao među samim uposlenicima. Radi se o Rizvo Dženanu (predsjednik štrajkačkog odbora), veterinaru koji je samo u 2013. godini ošteti preduzeće za 18.000 KM, Mirsadu Karadži (predsjednik sindikalne podružnice), u 2013. ošteti preduzeće za 10.000 KM, Esko Faruku, ošteti preduzeće za 50.000 KM i drugi, koji su u ministru našli podršku za prikrivanje vlastitog kriminala. Premda je ministar Hrenovica službenim dopisima više puta obaviješten o kriminalnim aktivnostima, nikada nije pokazao želju da rješava to pitanje ili o tome razgovara. Naprotiv, svojim javnim istupima dodatno je otežavao rad Uprave, a instituciju Ministarstva privrede KS pretvorio u servis kriminogene sindikalne podružnice Veterinarske stanice Sarajevo.

Ministar Hrenovica svjesno uništava ovo preduzeće, samo iz ličnih razloga, a kao vid revanšizma prema stranci iz koje je izbačen i Damiru Čardžiću. Nažalost saradnike je pronašao među samim uposlenicima. Radi se o Rizvo Dženanu (predsjednik štrajkačkog odbora), veterinaru koji je samo u 2013. godini ošteti preduzeće za 18.000 KM, Mirsadu Karadži (predsjednik sindikalne podružnice), u 2013. ošteti preduzeće za 10.000 KM, Esko Faruku, ošteti preduzeće za 50.000 KM i drugi, koji su u ministru našli podršku za prikrivanje vlastitog kriminala. Premda je ministar Hrenovica službenim dopisima više puta obaviješten o kriminalnim aktivnostima, nikada nije pokazao želju da rješava to pitanje ili o tome razgovara. Naprotiv, svojim javnim istupima dodatno je otežavao rad Uprave, a instituciju Ministarstva privrede KS pretvorio u servis kriminogene sindikalne podružnice Veterinarske stanice Sarajevo.

Ministar Hrenovica je svjesno odlučio da zaštiti kriminal najvjerojatnije iz ličnih interesa, jer uposlenici protiv kojih su podignute krivične prijave imaju „dobre veze“. Jednom od njih sestra je zastupnik u Skupštini KS, drugome je rođak načelnik opštine, treći je opet ugledni član jedne stranke itd. ***Da li to znači da imaju pravo da čine krivično djelo i da niko nema pravo tražiti njihovu odgovornost? Svima su puna usta borbe protiv kriminala u javnim preduzećima, a kad se pojavi direktor koji želi da se obračuna sa kriminalom, priča se okreće naglavačke. Svi su onda protiv njega, političari ne žele da se „talasa“, kriminogeni počinioci se pozivaju na sindikat i prava iz radnog odnosa i Kolektivnog ugovora, a novinari više vole priču o obespravljenim radnicima nego o poštenom direktoru-pojedincu koji se bori sa vjetrenjačama. Kako onda očekivati da se u nekom drugom preduzeću nađe neki drugi pojedinac koji će raskrinkati kriminal? Kako ova država misli ići naprijed ako nema hrabrosti da se suoči sa problemom koji je razara?***

Izvor objavljivanja svih negativnih informacija u medijima bio je ministar Hrenovica i zbog toga se v.d. direktor KJP Veterinarska stanica Sarajevo Mr.sci. Senad Arnautović obratio Finansijskoj policiji i Upravi za indirektno oporezivanje sa Zahtjevom za inspekcijski nadzor, kako bi nadležni organi utvrdili ko je stvarno odgovoran za stanje u kojem se nalazi ovo preduzeće i kako bi skinuo ljagu sa svog imena, a koju mu je nanio ministar Hrenovica svojim klevetama i obmanjivanjem javnosti.

Možete pogledati na (www.veterinarska.ba).

Ja kao v.d. direktor odgovorno i savjesno vršim svoju dužnost i nemam oraha u džepu. Zato se ne plašim da zovnem bilo koju inspekciju kako bi se provela bilo kakva kontrola moga rada. Drugi se očito plaše. Obzirom da se zbog svojih „aferima“ ne usuđuju da se bore pravnim sredstvima, pa se služe vanpravnim, (klevetama, uvredama, prijetnjom i fizičkom silom).

Problemi zaostalih plaća u KJP Veterinarska stanica su stari četiri godine, ali nikada nisu bili tema iz razloga što je Predsjednik sindikalne podružnice Mirsad Karadža od bivšeg direktora Nedima Brdarića dobio jednokratnu novčanu pomoć.

Nakon okončane konkursne procedure, odnosno odmah nakon mog imenovanja na poziciju VD Direktora 11.04.2014, a na koju sam imenovan kao uposlenik sa odgovarajućim referencama, a ne kao stranački kadar (što uporno gospodin Hrenovica hoće da dokaže), sproveo sam: Vanrednu inventuru, Reviziju poslovanja posljednje tri godine i Internu kontrolu dokumenata u veterinarskim ambulantomama. Pokazalo se da je stanje u KJP „Veterinarska stanica“ – Sarajevo katastrofalno loše. Evidentiran je značajan dug, veliki broj neusklađenosti i zloupotrebe u radu.

Navešću samo neke činjenice:

1. Manjak u vet. ambulanti Ilijaš od 19.000,00 KM,
2. Manjak u drugim vet. ambulantomama od 1000,00KM do 3.500,00KM,
3. Manjak 1.800 doza sjemena za vještačko osjemenjavanje, što čini više od 30% godišnje potrošnje sjemena,
4. Ogroman dug na računu Preduzeća, od cca 600.000,00 KM,
5. Nesavjestan rad u službi koji može imati za posljedicu ugrožavanje zdravlja stanovništva,
6. Nepridržavanje cjenovnika pri naplati usluga, a na štetu Preduzeća,
7. Izdavanje potvrda za poticaj bez obavezne prateće dokumentacije,... itd.

Nakon ovih saznanja, odnosno utvrđenih činjenica za koje postoje nepobitni dokazi, poduzeo sam sljedeće mjere:

1. Podnesene su krivične prijave protiv sedam uposlenika,
2. Jednom uposleniku je uručen otkaz ugovora o radu,
3. Izdata su uputstva i uspostavljen sistem kontrole potrošnje goriva i pravdanja pređenih kilometara,
4. Izdata su uputstva i uspostavljen sistem kontrole zaduživanja i potrošnje lijekova,
5. Uz dotadašnje finasijsko zaduživanje uvedeno je i materijalno zaduženje i kontrola materijalnog stanja u skladištima uz pomoć materijalnih kartica, ...itd.

Mjere kontrole i mjere sankcija prema odgovornim, su kod njih izazvale nezadovoljstvo i pokretanje organizovane opstrukcije u radu (odbijanje radnih zadataka, odbijanje izvršenja eutanazije agresivnih pasa, kašnjenje sa davanjem mjesečnih izvještaja i sl.), prijetnji, fizičkih napada, te javnog linča putem medija na moje lično ime i na članove Nadzornog odbora i Skupštine preduzeća.

Veliki problem predstavlja i to što su uposlenici ovog preduzeća navikli da imaju monopol, pa smatraju da ne moraju da popravljaju kvalitet usluga i da se bore za tržište. U međuvremenu tržišne okolnosti su se promijenile. Pojavio se značajan broj privatnih veterinarskih stanica koje odvlače značajan dio posla i sredstava, dotacije od Budžeta KS su prepolovljene, stanje stočnog fonda je devastirano, a uposlenici javnog preduzeća Veterinarska stanica još uvijek smatraju da im neko treba „dati platu“ umjesto da je sami zarade. Pojedini veterinari za čitav mjesec donesu samo 350 KM pazara, a za isplatu bruto plate potrebno je 2.300KM. Premda su svjesni ovih činjenica, oni i dalje traže mađioničara koji će riješiti „njihove probleme“.

Sindikalna podružnica u isto vrijeme tvrdi da su u Generalnom štrajku (premda nisu ispoštovali Zakon o štrajku i mada se radi o klasičnoj opstrukciji rada i sabotazi) te da ne rade, a u medijima daju izjavu kako su potrošili sve lijekove i nemaju čime da rade. Kako je moguće potrošiti puno skladište lijekova tokom Generalnog štrajka, odnosno ako se ne radi?

Pokušaj proglašavanja epidemije bruceloze je planirana i kordinirana akcija „Štrajkačkog odbora“ sa ciljem izazivanja panike u javnosti. Javost bi po mišljenju štrajkača trebala da napravi pritisak na Vladu KS, da se ispune njihovi zahtjevi za smjenom Uprave, kao uvjet da se veterinari vrate na posao i „spasu Sarajevo“ od širenja ove „opake“ bolesti. Za utvrđivanje stvarnog stanja prisustva bruceloze na terenu potrebno je sprovesti opsežnu, planiranu i koordiniranu akciju dijagnostike. Način na koji je to pokušao da učini „Štrajkački odbor“ je nestručan i neozbiljan. Još neozbiljnije zvuči izjava da sam ja kriv za pojavu bruceloze i da ću ja biti kriv za širenje. Vakcinacija protiv bruceloze je bila planirana za kraj septembra 2014. i 2.000 (dvijehiljade) doza vakcine se nalaze u skladištu od 08.09.2014. o čemu postoji dokaz (Otpremna lista). Veterinari nikada nisu zadužili odnosno odbili su zaduživanje vakcine, kao i obavljanje preventivnog cijepljenja. Žalosna je činjenica da upravo onaj koji Vam je dao izjavu, da sam ja odgovoran za širenje bruceloze , tj. predsjednik štrajkačkog odbora Dženan Rizvo, dijeli potvrde za dodjelu kantonalnih poticaja za ovce koje nije vakcinisao, o čemu sam obavijestio nadležne organe i čekam rezultat istrage. Tako da Vaše pisanje da je čitav Kanton ugrožen zbog samovolje direktora je čista dezinformacija i kleveta. Shodno Zakonu o zaštiti od klevete FBiH, u skladu s principima samoregulative za štampane i online medije, Kodeksa za štampu i online medije BiH, tražim objavu demantija, dopunu informacija, objavljivanje ispravke ili izvinjenje. Javnost ima pravo na tačnu i objektivnu informaciju. Zato zahtijevam da mi obezbijedite isti prostor u istoj veličini i fontu za objavu demantija i upotpunjavanje informacije.

I na kraju pokušaj prikazivanja mene kao nekog ko „čuva fotelju“ je krajnje smiješan. Biti direktor u KJP Veterinarska stanica Sarajevo u ovom trenutku nije nikakva povlastica. Naprotiv. To je pozicija od koje samo možete zaraditi čir na želucu. Od koje vas svaki dan boli glava. Izjave da ne želim da predam poziciju i službene pečate zbog vlastitog interesa je komična. To može izjaviti samo onaj koji ne poznaje Zakone i Propise. Obnašanje funkcije direktora i korištenje pečata su jasno propisani odgovarajućom legislativom i sve dok sam ja upisan u Sudski registar kao Odgovorno lice, ja ću svoju dužnost obavljati odgovorno, pošteno i do kraja. Razlog zašto sam prihvatio ovaj težak zadatak je taj što iza sebe imam iskustvo u radu od 20 godina, što u ovom preduzeću radim 16 godina i nemam druge alternative nego da ostanem u njemu i u njemu zarađujem hljeb. Prihvatio sam se ovog zadatka jer želim da spasim i sebe i preduzeće.

V.D.DIREKTOR

Mr.sc. Senad Arnautović DVM